

4. august 2021

Inatsisartut suleriaasianni § 37, imm. 1 naapertorlugu matumuuna Naalackersuisunut imaattumik apeqquteqassaanga:

Naalackersuisunut apeqqutit:

1. Angajoqqaanut pikkorissaanernut MANU-mik taaneqartunut kikkut neqeroorfigineqartarpat?
2. Angajoqqaat qassit pikkorissaanernut ukkununga ukiumut peqataasarpat:
 - a. MANU 0-miit 9-nik qaammatilinnut?
 - b. MANU 1-miit 2-nut ukiulinnut?
 - c. MANU 3-miit 4-nut ukiulinnut?
 - d. MANU 5-miit 6-nut ukiulinnut?
 - e. MANU Imigassamut pikkorissaanernut?
 - f. MANU Aanaakkunnut/Aataakkunnut?
 - g. MANU Innuttaasunut ataatsimiititsinernut?
 - h. MANU Angajoqqaanut ataatsimiititsinernut?
 - i. MANU Hash?
3. Illoqarfinni/nunaqarfinni sorlarni MANU angajoqqaanut pikkorissaanerit neqeroorutigineqartarpat?
4. Pikkorissaanerni peqataaneq nammineq kajumissutsimik aallaaveqarpa?
5. Angajoqqaat ikiaroorartumik aammalu/imaluunniit imigassamik atornerluinermik ajornartorsiuteqartut MANU Hash aamma MANU Imigassaq pillugu pikkorissaanernut neqeroorutitut peqataanissaannut qanoq iliuuseqartoqarpa?
6. Ilaqutariinni ajornartorsiortuni meeqqat angerlarsimaffiup avataanut inissinneqarnissaat kommuniniit periarfissatuatut atorneqannginnissaa pillugu Naalackersuisut qanoq qulakkeerinninniarsarippat?
7. Meeqqat pillugit nalunaaruteqartoqaraangat, meeqqat angajoqqaaminniit avissaannginnissat piniarlugu kommunit qulakkeerinninniarlutik iliuuseqarsinnaappat?

(Inatsisartunut ilaasortaq Jess Svane, Siumut)

Tungavilersuutit:

Angajoqqaat ilaqutariinni ineriartortinneqarnissaat qulakkeerniarlugu pikkorissaanerit aqqissuusinerillu assigiinngitsorpasuit pilersinneqarnikuupput. Pitsaasumik siunertaqartumik iliuutsit amerlasinnaapput, taamaattoq atorneqanngikkunik inuiaqatigiinni allannguinnissaq anguneqarsinnaanngilaq. Taamaattumik uannut soqutiginarpoq paasissallugu pikkorissaanerit qanoq akulikitsigisumik atorneqartarnersut.

Ullut qulit suliffiusut iluanni akineqarnissara kissaatigaara.